

四庫全書

集部

欽定四庫全書

唐詩品彙卷六十二

明 高棅 編

五言律詩七

大家

杜甫

登兗州城樓

開元二十四年後作

東郡趨庭日南樓縱目初浮雲連海岱平野入青徐

劉須

漢云俯仰感慨語何地無之

孤嶂秦碑在荒城魯殿餘從來多古意

臨眺獨躊躇

方虛谷云後聯感慨秦魯俱亡以古意二字結之尤妙

房兵曹胡馬

胡馬大宛名鋒稜瘦骨成竹批雙耳峻風入四蹄輕所

向無空濶真堪託死生

劉云彷彿老成亦無玄黃亦無牝牡

驍騰有如此

萬里可橫行

春日懷李白

天寶初作

白也詩無敵飄然思不羣清新庾開府俊逸鮑參軍渭

北春天樹江東日暮雲何時一樽酒重與細論文

夜宴左氏莊

風林纖月落

劉云是起典

衣露淨琴張暗水流花徑春星帶

草堂

劉云景語閒曠

檢書燒燭短看劍引盃長詩罷聞吳詠扁

舟意不忘

劉云豪縱自然結語蕭散

故武衛將軍挽詞

天寶九載作

嚴警當寒夜前軍落大星壯夫思耿決哀詔惜精靈

劉云

上下含蓄有美有恨

王者今無戰書生已勒銘封侯意踈濶編簡

欽定四庫全書

唐詩品彙
卷六十二

為誰青

陪鄭廣文遊何將軍山林三首

不識南塘路今知第五橋

劉云便自然動

名園依綠水野竹上

青霄谷口舊相得濠梁同見招平生為幽興未惜馬蹄

遙

牀上書連屋階前樹拂雲將軍不好武稚子總能文

劉云

言外亦具世變

醒酒微風入聽詩靜夜分絺衣挂蘿薜涼月白

紛紛

幽意忽不愜歸期無奈何出門流水住

劉云水自無住但出何氏林便

覺景別如此最是妙意

回首白雲多自笑燈前舞誰憐醉後歌祇

應與朋好風雨亦來過

夜月

天寶十五載自鄜州及陷盜中所作

今夜鄜州月閨中只獨看遙憐小兒女未解憶長安

劉云

愈緩愈悲俯仰具足

香霧雲鬟濕清輝玉臂寒何時倚虛幌雙照

淚痕乾

對雪

戰哭多新鬼，愁吟獨老翁。
亂雲低薄暮，急雪舞回風。
瓢棄樽無綠，爐存火似紅。
數州消息斷，愁坐正書空。

春望

至德二載
在賊中作

國破山河在，城春草木深。
感時花濺淚，恨別鳥驚心。

凍水

記開云：山河在，草木深，明無人無物矣。花鳥平時可娛之物，見之而泣，聞之而悲，則時可知矣。

烽火連

三月家書抵萬金，白頭搔更短，渾欲不勝簪。

喜達行在所三首

夏自賊中達行在所
拜左拾遺後所作

西憶岐陽信，無人遂却迴。
眼穿當落日，心死著寒灰。
霧

樹行相引蓮峯望或開所親驚老瘦辛苦賊中來

愁思胡笳夕淒涼漢苑春生還今日事間道暫時人

劉云

五字可傷即旦暮
人耳暫時更警

司隸章初覩南陽氣已新喜心翻倒

極鳴咽淚沾巾

劉云此豈隨
人夢樂語

死去憑誰報歸來始自憐猶瞻太白雪喜遇武功天影
靜千官裏心蘇七校前今朝漢社稷新數中興年

晚行口號

秋自鳳翔
還鄜州作

三川不可到歸路晚山稠落鴈浮寒水饑鳥集成樓市

朝今日異喪亂幾時休遠愧梁江總還家尚黑頭

月

天上秋期近人間月影清入河蟾不沒搗藥兔長生只
益丹心苦能添白髮明干戈知滿道休照國西營

收京

生意甘衰白天涯正寂寥忽聞哀痛詔又下聖明朝

劉云

沉痛敦厚
讀之墮淚

羽翼懷商老文思憶帝堯叨陪罪已日霑灑

望青霄

春宿左省

乾元元年春
在諫省所作

花隱掖垣暮啾啾棲鳥過
星臨萬戶動月傍九霄多
不寢聽金鑰因風想玉珂
明朝有封事數問夜如何

晚出左掖

畫刻傳呼淺春旗簇仗齊
退朝花底散歸院柳邊迷

劉云

濃艷可想

樓雪融城濕宮雲去殿低
避人焚諫草騎馬欲鷄

栖

劉云焚諫草者不欲人知也此事居
當然之體結語讀之數過款款忠實

送賈閣老出汝州

欽定四庫全書

唐詩品彙
卷六十二

五

西掖梧桐樹空留一院陰艱難歸故里去住損春心宮
殿青門隔雲山紫邏深人生五馬貴莫受二毛侵

送翰林張司馬南海勒碑

相國制文

冠冕通南極

劉云大體

文章落上台詔從三殿去碑到百蠻

開野館濃花發春帆細雨來

劉云驛程旅館又喜又悲

不知滄海上

天遣幾時迴

劉云愛之望之祝之願之

初月

光細弦欲上影斜輪未安微升古塞外已隱暮雲端河

漢不改色關山空自寒庭前有白露暗滿菊花團

月夜憶舍弟

戍鼓斷人行邊秋一鴈聲露從今夜白月是故鄉明有弟皆分散無家問死生寄書長不達況乃未休兵

秦州雜詩五首

乾元二年秋秦官之秦州以後所作

滿目悲生事因人作遠遊遲迴度隴怯浩蕩及關愁水落魚龍夜山空鳥鼠秋西征問烽火心折北淹留

秦州城北寺傳是隗囂宮苔蘚山門古丹青野殿空月

明垂葉露雲逐度溪風清渭無情極愁時獨向東

范德機云

渭水無情而知東向為臣子有人性而不
知尊王之義此子美愁時便有取於水也

聞道尋源使從天北路迴牽牛去幾許宛馬至今來一
望幽燕隔何時郡國開東征健兒盡羌笛暮吹哀

未暇汎滄海悠悠兵馬間塞門風落木客舍雨連山阮
籍行多興龐公隱不還東柯遂踈懶休鑷鬢毛斑

鳳林戈未息魚海路常難候火雲峯峻懸軍幕井乾風
連西極動月過北庭寒故老思飛將何時議築壇

望野

清秋望不極，迢遞起層陰。
遠水兼天淨，孤城隱霧深。
葉稀風更落，山迴日初沉。
獨鶴歸何晚，昏鴉已滿林。

天河

常時任顯晦，秋至最分明。
縱被微雲掩，終能永夜清。
含星動雙闕，伴月落邊城。
牛女年年度，何曾風浪生。

山寺

野寺殘僧少，山園細路高。
麝香眠石竹，鸚鵡啄金桃。
亂

水通人過懸崖置屋牢上方重閣晚百里見纖毫

螢火

幸因腐草出敢近太陽飛未足臨書卷時能點客衣隨

風隔幔小帶雨傍林微十月清霜重飄零何處歸

方虛谷云

說者謂此腐草太陽以譏李輔國凡評詩正不當如此
刻切拘泥言之者無罪聞之者足以戒大丈夫耿耿者
不為螢燐微光於此自無相闕世之近明忽晦不常又
豈止一輔國則見此詩而自愧矣學者觀大指可也

銅餅

亂後碧井廢時清瑤殿探銅餅未失水百丈有哀音側

想美人意應悲寒楚沉蛟龍半缺落猶得折黃金

促織

促織甚微細哀音何動人草根吟不穩牀下夜相親久

客得無淚故妻難及晨悲絲與急管感激異天真

劉云
結得

洒落更
自可悲

擣衣

亦知戍不返秋至拭清砧已近苦寒月況經長別心寧
辭搗衣倦一寄塞垣深用盡閨中力君聽空外音

送遠

帶甲滿天地胡為君遠行親朋盡一哭鞍馬去孤城

劉云

如畫出塞圖矣

草木歲月晚關河霜雪清別離已昨日因見古

人情

劉云兩語兩意別離則昨日矣往往古人亦如我也自怪其情之悲也

後遊

上元元年在成都府所作

寺憶曾遊處橋憐再渡時江山如有待花柳更無私

劉云

必如此可以言氣象矣

野潤烟光薄沙暄日色遲客愁全為減舍

此復何之

出郭

霜露晚淒淒，高天逐望低。
遠烟鹽井上，斜景雪峯西。
故國猶兵馬，他鄉亦鼓鼙。
江城今夜客，還與舊烏啼。

村夜

風色蕭蕭暮江頭，人不行村春雨外急。
鄰火夜深明。
劉云
自胡羯何多難，漁樵寄此生。
中原有兄弟，萬里正含情。

春夜喜雨

好雨知時節，當春乃發生。
隨風潛入夜，潤物細無聲。
野

徑雲俱黑江船火獨明曉看紅濕處花重錦官城

江亭

坦腹江亭暖長吟野望時水流心不競雲在意俱遲

張子

韻云其意與物初無間斷比之陶淵明雲無心而出岫鳥倦飛而知還氣更混淪也寂寂春將晚欣欣物自私故林歸未得排悶強裁詩

和裴迪登新津寺寄王侍郎

王綽也

何限倚山木吟詩秋葉黃蟬聲集古寺

劉云自然

鳥影度寒

塘風物悲遊子登臨憶侍郎老夫貪佛日隨意宿僧房

贈別何邕

寶應元年在
成都府所作

生死論交地何由見一人悲君隨燕雀薄宦走風塵
綿谷元通漢沱江不向秦五陵花滿眼傳語故鄉春

客亭

秋牕猶曙色木落更天風日出寒山外江流宿霧中
聖朝無棄物老病已成翁多少殘生事飄零任轉蓬

題玄武禪師屋壁

何年顧虎頭滿壁畫滄洲赤日石林氣青天江海流
錫

飛常近鶴杯渡不驚鷗似得廬山路真隨惠遠遊

翫月呈漢中王

夜深露氣清江月滿江城浮客轉危坐歸舟應獨行關
山同一點烏鵲自多驚欲得淮王術風吹暈已生

登牛頭山亭作

廣德元年在梓州所作

路出雙林外亭窺萬井中江城孤照日山谷遠含風兵
革身將老關河信不通猶殘數行淚忍對百花叢

章梓州水亭

時漢王兼道士席謙在會同用荷字韻

城晚道雲霧亭深到菱荷吏人橋外少秋水席邊多近
屬淮王至高門薊子過荊州愛山簡吾醉亦長歌

數陪李梓州泛江有女樂在諸舫戲為豔曲

上客迴空騎佳人滿近船江清歌扇底野曠舞衣前玉
袖凌風並金壺隱浪偏競將明媚色偷眼豔陽天

送元二適江左

元結也

亂後今相見秋深復遠行風塵為客日江海送君情

劉云

淵淵乎其不可極

晉室丹陽尹公孫白帝城

劉云事語自別丹陽係晉室語其忠

公孫白帝城
則借傷也

經過自愛惜
取次莫論兵

劉云感其經過
論兵豈非蒲鎮

節度使有難言者乎能如此讀方有
少進 此等結語熟味最是深厚

有感二首

幽薊餘蛇豕
乾坤尚虎狼
諸侯春不貢
使者日相望
慎勿吞青海
無勞問越裳
大君先息戰
歸馬華山陽
丹桂風霜急
青楓日夜凋
由來強幹地
未有不臣朝
受鉞親賢往
卑宮制詔遙
終依古封建
豈獨聽簫韶

愁坐

高齋常見野愁坐更臨門十月山寒重孤城水氣昏
葭萌氏種迴左擔戎屯終日憂奔走歸期未敢論

江亭王閬州筵餞蕭遂州

廣德二年在閬州及成都所作

離亭非舊國春色是他鄉老畏歌聲短愁聞舞曲長
二天開寵餞五馬爛生光川路風塵接俱宜下鳳凰

滕王亭子

寂寞春山路君王不復行古牆猶竹色虛閣自松聲

石林

詩話云猶自二字皆工
妙至到人力不可及

鳥雀荒村暮雲霞過客情尚思

歌吹入千騎把霓旌

玉臺觀

滕王造

浩劫因王造平臺訪古遊綵雲蕭史駐文字魯恭留

劉云

又極典重

宮闕通羣帝乾坤到十洲人傳有笙鶴時過北山

頭

暮寒

霧隱平郊樹風含廣岸波沉沉春色靜慘慘暮寒多
戍鼓猶長擊林鶯遂不歌忽思高宴會朱袖拂雲和

別房太尉墓

他鄉復行役，駐馬別孤墳。近淚無乾土，低空有斷雲。

劉云

鍾情苦語著低近二字，惟孟東野有之。

對墓陪謝傅，把劍覓徐君。

方虛谷云：生前

之知死後之感，足見少陵於房瑄交誼不薄也。惟見林花落，鶯啼送客聞。

劉云：好景

凄絕

觀李固請司馬題山水圖

廣德三年成都所作

方丈渾連水，天台總映雲。人間常見畫，老去恨空聞。

劉云

自傷足力之不繼也。

范蠡舟偏小，王喬鶴不羣。此生隨萬物，何處

欽定四庫全書

出塵氛

禹廟

永泰元年
成都所作

禹廟空山裏秋風落日斜荒庭垂橘柚古屋畫龍蛇

孫

老云橘柚錫貢驅龍蛇皆禹之事公因見此有感也

劉云皆本色語暗用

雲氣生虛壁江

聲走白沙早知乘四載疏鑿控三巴

劉芷堂光復云嘗侍顏溪先生論及

禹廟詩至結語先生云此言禹功疏鑿自三巴而始禹廟在上流故控持也言三巴皆控持於此早知言其氣力之盛壯也

哭嚴僕射歸櫬

素幔隨流水歸舟返舊京老親如宿昔部曲異平生風

送蛟龍雨

劉云謂其化為蛟龍而風雨之情境慘然與天地意稱

天長驃騎營一

哀三峽暮遺後見君情

旅夜書懷

細草微風岸危檣獨夜舟星隨平野濶月湧大江流

劉云

等閑星月著一湧字覺不同

名宣文章著官應老病休飄飄何所似

天地一沙鷗

長江

欽定四庫全書

浩浩終不息乃知東極臨衆流歸海意萬國奉君心色
借瀟湘濶聲驅灩澦深未辭添霧雨接上遇衣襟

劉云
接上

曉不可

承聞故房相公靈輿自閬州啓殯歸葬東都有

作

遠聞房太守歸葬陸渾山一德興王後

劉云宜玄
齡後耶

孤魂

久客間孔明多故事安石竟崇班他日嘉陵淚仍沾楚

水還

船下夔州郭宿雨濕不得上岸別王十二判官

大歷元年
夔州所作

依沙宿舸船石瀨月娟娟風起春燈亂江鳴夜雨懸

劉云

精章
不刊

晨鐘雲外濕勝地石堂偏柔櫓輕鷗外含悽覺汝

賢

憶鄭南玘

玘音訛玉色也言石
似玉公憶之而賦

鄭南伏毒寺瀟灑到江心石影銜珠閣泉聲帶玉琴風
杉曾曙倚雲嶠憶春臨萬里蒼茫水龍蛇只自深

宿江邊閣

暝色延山徑高齋次水門薄雲巖際宿孤月浪中翻
鶴追飛盡豺狼得食喧不眠憂戰伐無力正乾坤

洞房

趙次公云此詩思長安而懷帝闕也

洞房環佩冷玉殿起秋風秦地應新月龍池滿舊宮
繫舟今夜遠清漏往時同

劉云何限言外

萬里黃山北園林白露

中

劉云語不迫切而意獨至悲慨滿目然不低黯故自可望

宿昔

宿昔青門裏蓬萊仗數移花嬌迎雜樹龍喜出平池落
日留王母微風倚少兒宮中行樂秘少有外人知

劉云
猥褻

不凡風
刺俱有

驪山

驪山絕望幸花萼罷登臨地下無朝燭人間有賜金

劉云

使人不忍言好 昂湖龍去遠銀海鴈飛深萬歲蓬萊日長懸舊

羽林

吾宗

公自注云衛
倉曹崇簡也

吾宗老孫子質朴古人風耕鑿安時論衣冠與世同在
家常早起憂國願年豐

劉云山林塵士婉有餘情

語及君臣際經書

滿腹中

中宵

西閣百尋餘中宵步綺疏飛星過水白落月動沙虛

劉云

語無說時
寫景入微

擇木知幽鳥潛波想巨魚親朋滿天地兵甲

少來書

草閣

大歷二年
夔州所作

草閣臨無地，柴扉永不關。
魚龍迴夜水，星月動秋山。
久露晴初濕，高雲薄未還。
泛舟慙小婦，飄泊損紅顏。

十七夜對月

秋月仍圓夜，江村獨老身。
捲簾還照客，倚杖復隨人。

劉云

自是不經人道，誰不了此。
光射潛虬動，明翻宿鳥頻。
茅齋依橘柚，清

切露華新

日暮

牛羊下來久，各已閉柴門。
風月自清夜，江山非故園。

劉云

人人能言人人不能言
與可惜歡娛地同耳

石泉流暗壁草露滴秋原頭白

明燈裏何須花燼繁

曉望

白帝更聲盡陽臺曙色分
高峯寒上日疊嶺宿霾雲
地

圻江帆隱天清木葉聞

劉云語至不可解則妙耳

荆扉對麋鹿應共

爾為羣

中夜

中夜江山靜危樓望北辰
長為萬里客有愧百年身故

國風雲氣高堂戰伐塵胡雛負恩澤嗟爾太平人

夜

絕岸風威動寒房燭影微嶺猿霜外宿江鳥夜深飛獨
坐親雄劍哀歌嘆短衣烟塵繞閭闔白首壯心違

刈稻了詠懷

稻穫空雲水川平對石門寒風踈草木旭日散雞豚野
哭初聞戰樵歌稍出村無家問消息作客信乾坤

劉云初聞

其戰後見野哭而已五字悲甚稍字尤

蕭索可憐結意沉著非託之悠悠者

欽定四庫全書

唐詩品彙
卷六十二

公安縣懷古

大歷三年
公安縣作

野曠呂蒙營江深劉備城寒天催日短風浪與雲平灑
落君臣契飛騰戰伐名維舟倚前浦長嘯一含情

登岳陽樓

下岳陽
所作

昔聞洞庭水今上岳陽樓吳楚東南坼乾坤日夜浮

劉云

氣壓百代為五
言雄渾之絕

親朋無一字老病有孤舟戎馬闔山北

憑軒涕泗流

唐子西語錄云子美岳陽樓詩氣
象宏放涵蓄深意殆與洞庭爭雄

祠南夕望

百丈牽江色孤舟泛日斜興來猶杖屨目斷更雲沙
山鬼迷春竹湘娥倚暮花湖南清絕地萬古一長嗟

唐詩品彙卷六十二

欽定四庫全書

唐詩品彙卷六十三

明 高棟 編

五言律詩八

羽翼

王灣

次北固山下

河岳英靈集作江南
意起結四句不同

客路青山外行舟綠水前
潮平兩岸濶風正一帆懸
海

日生殘夜江春入舊年

殷璠云詩人已來少有此句張燕公手題進士堂每示能文令

為楷式

鄉書何處達歸鴈洛陽邊

盧象

雜詩

家居五原上征戰是平生獨負山西勇誰當塞上名死

生遼海戰雨雪薊門行諸將封侯盡論功獨不成

劉須溪云

十字纔有沉着之意

方虛谷云感慨有餘但五原山西遼海薊門四處相遠遠詩寓意言辛苦以識夫偶然

而成名者未必皆辛苦也

峽中作

高唐幾百里樹色接陽臺晚見江山霽宵聞風雨來雲
從三峽起天向數峯開靈境信難見輕舟那可回

崔灝

長門怨

君王寵初歇棄妾長門宮紫殿蒼苔滿高樓明月空夜
愁生枕席春意罷簾櫳泣盡無人問容華落鏡中

贈梁州張都督

欽定四庫全書

聞君為漢將虜騎不南侵
出塞清沙漠還家拜羽林
風霜臣節苦歲月主恩深
為語西河使知予報國心

送單于裴都護赴西河

征馬去翩翩城秋月正圓
單于莫近塞都護欲臨邊
漢驛通烟火胡沙乏井泉
功成須獻捷未必去經年

寄盧象

客從巴水度傳爾沂行舟
是日風波霽高唐雨半收
青山滿蜀道綠水向荊州
不作書相問誰能慰別愁

題潼關樓

客行逢雨霽歇馬上津樓山勢雄三戶關門扼九州川
從陝路去河遠華陰流向晚登臨處風烟萬里愁

題沈隱侯八詠樓

梁日東陽守為樓望越中綠牕明月在青史古人空江
靜聞山狝川長數塞鴻登臨白雲晚流恨此遺風

晚入汴水

昨晚南行楚今朝北汴河客愁能幾日鄉路漸無多晴

景搖津樹春風起棹歌長淮亦已盡寧復畏潮波

祖詠

江南旅情

楚山不可極歸路但蕭條海色晴看雨江聲夜聽潮劍
留南斗近書寄北風遙為報空潭橘無媒寄洛橋

泊楊子岸

纔入維揚郡鄉關此路遙林藏初霽雨風退欲歸潮江
火明沙岸雲帆礙浦橋客衣今日薄寒氣近來饒

泗上馮使君南樓作

井邑連淮泗南樓向晚過望灘沙鷺起尋岸浴僮歌近
海雲偏出兼秋雨更多明晨擬回棹歸思恨風波

留別盧象

朝來已握手宿別更傷心灞水行人渡商山驛路深故
情君且足謫宦我難任直道皆如此誰能淚滿襟

題韓少府水亭

梅福幽棲處佳期不忘還鳥啼當戶竹花繞傍池山水

氣侵堦冷藤陰覆座閒寧知武陵趣宛在市朝間

蘇武別業

別業居幽處到來生隱心南山當戶牖澧水映園林竹
覆經冬雪庭昏未夕陰寥寥人境外閒坐聽春禽

宿陳留李少府宅

相知有叔卿公簡夜彌清旅泊倦愁卧空堂聞曙更風
簾搖燭影秋雨帶蟲聲歸思那堪說悠悠恨洛城

扈從御宿池

君王既巡狩輦路入秦京
遠樹低搶壘孤山入幔城
寒踈清禁漏夜警羽林兵
誰念迷方客長懷魏闕情

儲光羲

漢陽即事

楚國千里遠孰知方寸違
春遊歡有客夕寢賦無衣
江水帶冰綠桃花隨雨飛
九歌有深意捐佩乃言歸

詩云
宜曰

無衣與子同仇儲時以祿山偽
官而貶故末句復有捐佩之語

臨江亭

古木嘯寒禽層城帶夕陰梁園多綠樹楚岸盡楓山
際豈為險江流長自深平生何以恨天地本無心

渭橋

停車渭橋暮望望入秦京不見鷓鴣道如聞歌吹聲鄉
魂涉江水客路指蒲城獨有故樓月今來亭上明

寒夜江口泊舟

寒潮信未起出浦纜孤舟一夜苦風浪自然增旅愁吳
山遲海月楚火照江流欲有知音者異鄉誰可求

苑外至龍興院作

朝遊天苑外，忽見法筵開。
山勢當空出，雲陰滿地來。
踈鐘清月殿，幽梵靜花臺。
日暮香林下，飄飄仙步迴。

題虬上人房

禪宮分兩地，傳子一為心。
入道無來去，清言見古今。
江寒池水綠，山暝竹園深。
別有中天月，遙遙散夕陰。

詠山泉

山中有流水，借問不知名。
映地為天色，飛空作雨聲。
轉

來深澗滿分出小池平恬澹無人見年年長自清

李頎

望秦川

秦川朝望迥日出正東峯遠近山河淨逶迤城闕重秋聲萬戶竹寒色五陵松客有歸歟嘆淒其霜露濃

宴陳十六樓

樓枕金谷

西樓對金谷此地古人心白日落庭內黃花生澗陰四隣見疎木萬井度寒砧石上題詩處千年留至今

晚歸東園

荆扉帶郊郭稼穡滿東菑倚杖寒山暮鳴梭秋葉時回
雲覆陰谷返景照霜梨澹泊真吾事清風別自茲

送錢子入京

夜夢還京北鄉心恨搗衣朝逢入秦使走馬喚君歸驛
路清霜下闕門黃葉稀還家應信宿看子速如飛

送人尉閩中

可嘆芳菲日分為萬里情闔門折垂柳御苑聽殘鶯海

戎通閩邑江航過楚城客心君莫問春草是王程

送盧逸人

洛陽為此別攜手更何時不復人間見祇應海上期清
溪入雲木白首卧茅茨共惜盧敖去天邊望所思

送竇參軍

城南送歸客舉酒對林巒暄鳥迎風嘯春衣度雨寒桃
花開翠幕柳色拂金鞍公子何時至無令芳草闌

送人歸沔南

梅花今正發失路復何如舊國雲山在新年風景餘春
饒漢陽夢日寄武陵書可即明時老臨川莫羨魚

綦母潛

題靈隱寺山頂院

招提此山頂下界不相聞塔影挂清漢鐘聲和白雲觀
空靜室掩行道衆香焚且駐西來駕人天日未曛

宿龍興寺

香剎夜忘歸松清古殿扉燈明方丈室珠繫比丘衣白

日傳心淨青蓮喻法微
天花落不盡處處鳥銜飛

若耶溪逢孔九

相逢此溪曲勝託在烟霞潭影竹間動巖陰簷外斜
人言上皇代犬吠武陵家借問淹留日春風滿若耶

題沈東美員外山池

仙郎偏好道盤沿象瀛洲魚樂隨情性舟行任去留
秦人辨雞犬堯日識巢由歸客衡門外仍憐返景幽

題章彝下第

長安渭橋路行客別時心獻賦溫泉畢無媒魏闕深黃
鶯啼就馬白日暗歸林三十名未立君還惜寸陰

王昌齡

胡笳曲

城南虜已合一夜幾重圍自有金笳引能令出塞飛聽
臨關月苦清入海風微三奏高樓曉胡人掩淚歸

和振上人秋夜懷士會

白露傷草木山風吹夜寒遙林夢親友高興發雲端郭

外秋聲急城邊月色殘
瑤琴多遠思更為客中彈

客廣陵

樓頭廣陵近九月在南徐
秋色明海縣寒烟生里閭
夜帆歸楚客昨日渡江書
為問易名叟垂綸不見魚

駕幸河東二首

聖德超千古皇風扇九圍
天回萬象出駕動六龍飛
淑氣來黃道祥雲覆紫微
太平多扈從文物有光輝

晉水千廬合汾橋萬國從
開唐天業盛入沛聖恩濃
下

輦回三象題碑任六龍
睿明懸日月十載此時逢

少年行

走馬遠相尋西樓下夕陰
結交期一劍留意贈千金
高閣歌聲遠重門柳色深
夜闌須盡飲莫負百年心

塞上曲

邊頭何慘慘已葬霍將軍
部曲皆相弔燕南代北聞
功勲多被黜兵馬亦尋分
更遣黃龍戍唯當哭塞雲

張謂

送裴侍御歸上都

楚地勞行役秦城罷鼓鼙舟移洞庭岸路入武陵溪江
月隨人影山花趁馬蹄離魂將別夢先已到關西

送青龍一公

事佛輕金印勤王度玉關不知從樹下還肯到人間楚
水青蓮淨吳門白日閒聖朝須助理絕莫愛東山

寄李侍御

柱下聞周史書中慰越吟近看三歲字遙見百年心價

以吹噓長恩從顧盼深不栽桃李樹何日得成陰

寄崔澧州

共襆臺郎被俱塞郡守帷罰金殊往日鳴玉幸同時五
馬來何晚雙魚贈已遲江頭望鄉月無夜不相思

郡南亭子宴

亭子春城外朱門向綠林柳枝經雨重松色帶烟深澆
酒迎山客穿池集水禽白雲常在眼聊足慰人心

同王徵君湘中有懷

此詩又見
嚴維集

八月洞庭秋瀟湘水北流還家萬里夢為客五更愁不
用開書帙偏宜上酒樓故人京洛滿何日復同遊

揚州雨中張十七宅觀妓

夜色帶寒烟燈花拂更燃殘粧添石黛艷舞落金鈿掩
笑須歌扇迎歌乍弄絃不知巫峽雨何事海西邊

賈至

長門怨

獨坐思千里春庭曉景長鶯喧翡翠幕柳暗鬱金堂舞

蝶紫愁緒繁
花對靚粧
深情託瑤瑟
絃斷不成章

銅雀臺

日暮銅臺靜
西陵烏雀歸
撫絃心斷絕
聽管淚霏微
靈几臨朝奠
空牀卷夜衣
蒼蒼川上月
應照妾魂飛

侍宴曲

雲陛褰珠扆
天墀覆綠楊
隔簾粧隱映
向席舞低昂
鳴珮長廊靜
開冰廣殿涼
歡餘劍履散
同輦入昭陽

對酒曲

梅發柳依依黃鸝歷亂飛當歌憐景色對酒惜芳菲曲
水浮花氣流風散舞衣通宵留暮雨上客莫言歸

南州有贈二首

極浦三春草高樓萬里心楚山晴靄碧湘水暮流深忽
與朝中舊同為澤畔吟停杯試北望還欲淚沾襟

越井人南去湘川水北流江邊數杯酒海內一孤舟嶺
嶠同仙客京華即舊遊春心將別恨萬里共悠悠

崔曙

途中曉發

曉霽長風裏，勞歌赴遠期。
雲輕歸海疾，月滿下山遲。
旅望因高盡，鄉心遇物悲。
故林遙不見，況在落花時。

緱山廟

遺廟宿陰陰，孤峯映綠林。
步隨仙路遠，意入道門深。
澗水流年月，山雲變古今。
祇聞風竹裏，猶有鳳笙音。

同諸公謁啓母祠

闕宮凌紫微，芳草閉閒扉。
帝子復何在，王孫遊不歸。
春

風鳴玉珮暮雨拂靈衣
宣但湘江口能令懷二妃

常建

破山寺後禪院

清晨入古寺
初日照高林
曲徑通幽處
禪房花木深
山光悅鳥性
潭影空人心
萬籟此俱寂
惟聞鐘磬音

泊舟盱眙

泊舟淮水次
霜降夕流清
夜久潮侵岸
天寒月近城
平沙依鴈宿
候館聽雞鳴
鄉國雲霄外
誰堪羈旅情

江行

平湖四無際
此夜泛孤舟
明月異方意
吳歌令客愁
鄉園碧雲外
兄弟綠江頭
萬里無歸信
傷心看斗牛

裴迪

過感配寺曇興上人山院

不遠瀟陵邊
安居向十年
入門穿竹徑
留客聽山泉
鳥轉深林裏
心閑落照前
浮名竟何益
從此願栖禪

夏日過青龍寺謁操禪師

安禪一室內左右竹亭幽有法如不染無言誰敢酌鳥
飛爭向夕蟬噪已先秋煩暑自茲退清涼何處求

張子容

雲陽驛陪崔使君邵道士夜宴

一尉東南遠誰知此夜歡諸侯傾皂蓋仙客整黃冠染
翰燈花滿飛觴雲氣寒欣承國士遇更借美人看

除夜樂城逢孟浩然

遠客襄陽郡來過海畔家樽開栢葉酒燈發九枝花妙

曲逢盧女高才得，益嘉東山行樂意，非是競繁華。

冠坦

同皇甫兵曹天宮寺浴室新成招友人賞會

溫室歡初就，蘭交托勝因。共聽無漏法，兼濯有為塵。水
潔三空性，香沾四大身。清心多善友，頌德慰同人。

鄭德玄

晚至鄉亭

長亭日已暮，駐馬暫盤桓。山川杳不極，徒侶默相看。雲

夕荆臺暗風秋郢路寒客心一如此誰復采芳蘭

蔡希寂

陝中作

西別秦關近東行陝服長川原餘讓畔歌吹憶遺棠河
水流城下山雲起路傍更憐栖泊處池館繞林篁

薛據

題丹陽陶司馬廳

高鑒清洞徹儒風人進難詔書增寵命才子益能官門

帶山光晚城臨江水寒唯余好文客時得詠幽蘭

閻防

與永樂諸公泛黃河作

烟深載酒入但覺暮川虛映水見山火鳴榔聞夜漁愛
茲山水趣忽與世人疎無暇燃官燭中流有望舒

殷遙

友人山亭

故人從薄宦往往涉清溪鑿牖對山月褰裳拂澗霓遊

魚逆水上宿鳥向風栖一見桃花發能令秦漢迷

丁仙芝

剡溪館聞笛

夜久聞羌笛寥寥虛客堂山空響不散溪靜曲宜長
草木生邊氣城池泛夕涼虛然異風出髣髴宿平陽

渡楊子江

桂楫中流望空波兩畔明林開楊子驛山出潤州城
海盡邊陰靜江寒朔吹生更聞楓葉下漸瀝度秋聲

長寧公主舊山池

平陽舊池館寂寞使人愁
座卷琉璃簾垂白玉鉤
庭閒花自落門閉水空流
追想吹簫處應隨仙騎遊

張巡

聞笛

北篇守睢陽而作也睢陽忠節之士其表見於世者非以文墨而詩可見者使人誦

之加敬

宮堯試一臨虜騎附城陰
不辨風塵色安知天地心
門開邊月近戰苦陣雲深
旦夕更樓上遙聞橫笛音

張均

岳陽晚景

晚景寒鴉集秋風旅鴈歸
水光浮日出霞彩映江飛
洲白蘆花吐園紅柿葉稀
長沙卑濕地九月未成衣

韋迢

早發湘潭寄杜員外院長

北風昨夜雨江上早來涼
楚岫千峯翠湘潭一葉黃
故人湖外客白首尚為郎
相憶無南鴈何時有報章

顏真卿

登平望橋下作

登臨試長望，望極與天平。
際海蒹葭色，終朝鳬鴈聲。
近山全髣髴，遠水忽微明。
更覽諸公作，知高題柱名。

李愔

和戶部楊員外伯成寓直

按韋韜傳有戶部郎中楊伯成

落日彌綸地，公才畫省郎。
詞驚起草筆，坐引護衣香。
雙闕天河近，十門夕漏長。
遙知臺上宿，不獨有文強。

丘為

尋廬山崔徵君

日高雞犬靜門掩向寒塘
夜竹深茆宇秋庭冷石牀
住山年已遠服藥壽偏長
虛棄浮生者相逢益自傷

張軫

舟行旦發

夜帆時未發同侶暗相催
山曉月初下江鳴潮自來
稍分楊子岸不辨越王臺
自客水鄉裏舟行知幾迴

徐晶

同蔡孚五亭詠

獨奏丹墀罷雲泉別業歸
拂琴鋪野席牽柳挂朝衣
翡翠巢書幌鴛鴦立釣磯
幽栖可憐處春事滿林扉

閨丘曉

夜渡淮

舟人自相報落日下芳潭
夜火連河市春風滿客帆
水窮滄海畔路盡小山南
且喜鄉園近言榮意未甘

唐詩品彙卷六十三

欽定四庫全書

唐詩品彙卷六十四

明 高棟 編

五言律詩九

接武上

劉長卿

穆陵關北逢人歸漁陽

逢君穆陵路匹馬向桑乾
楚國蒼山古幽州白日寒
城

池百戰後耆舊幾家殘處處蓬蒿徧歸人掩淚看

逢郴州使因寄嚴協律

相思楚天外夢寐楚猿吟更落淮南葉難為江上心
衡陽問人遠湘水向君深欲逐孤帆去茫茫何處尋

北歸次秋浦界清溪館

萬嶺猿啼斷孤村客暫依鴈過彭蠡暮人向宛陵稀
舊路青山在餘生白首歸漸知行近北不見鷓鴣飛

使還至菱陂驛渡潯水作

清川已再涉疲馬共西還何事行人倦終年流水閒孤
煙飛廣澤一鳥向空山愁入雲峯裏蒼蒼閉古關

松江獨宿

洞庭初下葉孤客不勝愁明月天涯夜青山江上秋一
官成白首萬里寄滄洲久被浮名繫能無愧海鷗

餘干旅舍

搖落暮天迴青楓霜葉稀孤城向水閉獨鳥背人飛渡
口月初上鄰家漁未歸鄉心正欲絕何處搗寒衣

秋日登吳公臺上寺遠眺

寺即陳時吳明徹戰場

古臺搖落後秋入望鄉心
野寺來人少雲峯隔水深
夕陽依舊壘寒磬滿空林
惆悵南朝事長江獨至今

經漂母墓

昔賢懷一飯茲事已千秋
古墓樵人識前朝楚水流
渚

蘋行客薦山木杜鵑愁
春草茫茫綠王孫舊此遊

方虛谷云

長卿意深不露蓋謂楚漢興亡唯有流水耳一老母之墓樵人猶能識之亦以其有一飯之德於一時也

長沙桓王墓下書事別張南史

長沙千載後春草獨萋萋
流水朝還暮行人東復西
碑苔幾字滅山木萬株齊
唯有年芳在相看惜解攜

赴新安別梁侍郎

新安君莫問北路水雲深
江海無行跡孤舟何處尋
青山空向淚白月豈知心
縱有餘生在終傷老病侵

送李中丞歸漢陽別業

流落征南將曾驅十萬師
罷歸復舊業老去戀明時
獨立三邊靜輕生一劍知
茫茫江漢上日暮欲何之

送劉使君貶連州

獨客長沙去誰堪此路愁秋風散千騎寒雨泊孤舟賈
誼辭明主蕭何識故侯漢庭當自召湘水但空流

送舍弟之鄱陽居

鄱陽寄家處自別掩柴扉故里何人在滄波孤客歸湖
山春草遍雲木夕陽微南去逢回鴈應憐相背飛

送王端公入秦赴上都

舊國無家訪臨歧亦羨歸途經百戰後客過二陵稀秋

草通征騎寒城背落暉行當蒙顧問吳楚歲頻饑

送李二十四移家之江州

煙塵猶滿目岐路亦沾衣遷客多南渡征鴻自北飛
九江春草綠千里暮潮歸別後誰相訪全家隱釣磯

送張繼司直適越

時危身適越事往任浮沈萬里三江去孤舟百戰心
春風吳渚綠古木剡溪深明月滄洲路歸雲不可尋

餞別王十一南遊

望君煙水濶揮手淚沾巾飛鳥沒何處青山空向人長
江一帆遠落日五湖春誰見汀洲上相思愁白蘋

過蕭尚書故居見李花感而成詠

手植已芳菲傷心故徑微往年啼鳥至今日主人非滿
地誰當掃隨風豈復歸空憐舊蔭在門客淚沾衣

雨中過袁稷巴陵山居贈別

憐君洞庭上白髮向人垂積雨悲幽獨長江對別離牛
羊歸故道鳥雀聚寒枝明發遙相望雲山不可知

尋南溪常道士

一路經行處，莓苔見屐痕。
白雲依靜渚，芳草閉閒門。
過雨看松色，隨山到水源。
溪花與禪意，相對亦忘言。

碧潤別墅喜皇甫侍御相訪

荒村帶晚照，落葉亂紛紛。
古路無行客，空山獨見君。
野橋經雨斷，澗水向田分。
不為憐同病，何人到白雲。

方虛谷云

此詩句
句明潤

過湖南羊處士別業

杜門成白首湖上寄生涯秋草蕪三逕寒塘獨一家鳥
歸村落靜水向縣城斜愛子醒還醉東籬菊正花

送道標上人歸南嶽

悠然倚孤棹却憶卧中林江草將歸遠湘山獨往深白
雲留不住綠水去無心衡嶽千峯亂禪房何處尋

送勤照和尚往睢陽赴太守請

燃燈傳七祖杖錫為諸侯去住雲無意東西水自流青
山春滿目白月夜隨舟知到梁園下蒼生賴此遊

秋夜肅公房喜普門上人自陽羨山至

山棲久不見林下偶同遊
早晚來香積何人住沃洲
寒禽驚後夜古木帶高秋
却入千峯去孤雲不可留

重陽岳城樓送屈突司直

登高復送遠惆悵洞庭秋
風景同千古雲山滿上遊
蒼蒼來暮雨淅淅逐寒流
今日關中事蕭何共爾憂

晚行次苦竹館却憶于越舊遊

足馬風塵色千峯旦暮時
遙看落日盡獨向遠山遲
故

驛花臨道荒村竹映籬誰憐却迴首步步戀南枝

秋夜雨中過靈光寺所居

晤語青蓮舍重門閉夕陰向人寒燭靜帶雨夜鐘深流水從他事派雲任此心不能捐斗粟終日愧瑤琴

海鹽官舍早春

小邑滄洲更新年白首翁一官如遠客萬事極飄蓬柳色孤城裏鶯聲細雨中羈心早已亂何事更春風

新年作

鄉心新歲切天畔獨潛然老至居人下春歸在客先
嶺
援同旦暮江柳共風煙已似長沙傳從今又幾年

錢起

和萬年成少府寓直

赤縣新秋夜文人藻思催鐘聲自仙掖月色近霜臺
一
葉兼螢度孤雲帶鴈來明朝紫書下應問長卿才

登復州南樓

孤樹延春日他山卷曙霞客心湖上鴈歸思日邊花行

李迷方久歸期涉歲賒故人雲路隔何處寄瑤華

晚次宿豫館

鄉心不可問秋氣又相逢飄泊方千里離悲復幾重
雲隨去鴈寒露滴鳴蛩延頸遙天末如聞故國鐘

贈鄰居齊六司倉

沈冥衆所遺咫尺絕佳期始覺衡門下翛然太古時
雞聲共林巷燭影隔茅茨坐惜牛羊遲芳蓀白露滋

宴鬱林觀張道士房

滅跡人間世忘歸象外情竹壇秋月冷山殿夜鐘清仙
侶披雲集霞杯達曙傾同歡不可再朝暮赤龍迎

裴迪南門秋夜對月

夜來詩酒興月滿謝公樓影閉重門靜寒生獨樹秋鵲
驚隨葉散螢遠入煙流今夕遙天末清光幾處愁

秋夜寄袁中丞王員外

一夕盈千念方知別者勞衰榮難會面魂夢暫同袍片
月臨階早晴河度鴈高應憐蔣生遲秋露滿蓬蒿

送少微師西行

隨緣忽西去何日返東林
世路無期別空門不住心
人煙一飯少山雪獨行深
天外猿啼處誰聞清梵音

送虞說擢弟東遊

湖山不可厭東望有餘情
片玉登科後孤舟任興行
月中嚴子瀨花際楚王城
歲暮雲臯鶴聞天更一鳴

送楊臯擢弟遊江南

行人臨去水新詠復新悲
萬里高秋月孤山遠別時
挂

帆嚴子瀨酌酒敬亭祠歲晏無芳杜如何寄所思

送宋徵君讓官還山

至人無滯跡謁帝復思玄魏闕辭花綬春山有杏田紫霞開別酌黃鶴舞離絃今夜思君夢遙遙入洞天

送彈琴李長史赴洪州

抱琴為傲吏孤棹復南行幾處秋江水皆添白雪聲佳期來客夢幽思緩王程佐牧無勞問心和政自平

送衛功曹歸荊南

漢家仍用武才子晚成名惆悵江陵去誰知魏闕情碧
雲愁楚水春酒醉宜城定想褰帷政還聞坐嘯聲

送陸郎中

事邊仍戀主舉酒復悲歌粉署含香別轅門載筆過鶯
聲出漢苑柳色過漳河相憶情難盡離居春草多

送僧歸日本

上國隨緣往來途若夢行浮天滄海遠去世法舟輕水
月通禪寂魚龍聽梵聲惟憐一燈影萬里眼中明

送張管書記

邊事多勞役，儒衣遂鼓輦。
日寒關樹外，峯盡塞雲西。
河廣逢難度，天遙鴈漸低。
班超封定遠，之子去思齊。

賦得綿綿思遠道送岑判官入嶺

極目煙霞外，孤舟一使星。
興中尋白雪，夢裏過滄溟。
夜月松江戍，秋風竹塢亭。
不知行遠近，芳草日青青。

別張起居

時多故

有別時留恨，銷魂況在今。
風濤初振海，鷗鷺遠辭林。
舊

國關河絕新秋草露深陸機嬰世網應負故山心

谷口書齋寄楊補闕

泉壑帶茅茨雲霞生薜帷竹憐新雨後山愛夕陽時
閒鷺栖常早秋花落更遲家僮掃羅徑昨與古人期

哭空寂寺玄上人

淒然雙樹下垂淚遠公房燈續生前火爐添歿後香古

松韻舊榻

一作陰階
明片雪

寒竹響空廊寂滅應為樂塵心徒

自傷

貞懿皇后挽詞

淑麗詩傳美徽章禮飾哀有恩加象服無日祀高禋曉
月孤秋殿寒山出夜臺通靈深眷想青鳥獨飛來

韋應物

奉送從兄宰晉陵

東郊春草歇千里夏雲生立馬愁將夕

劉須谿云妙

看山獨

送行依微吳苑樹迢遞晉陵城慰此斷行別邑人多頌聲

送汾城王主簿

少年初帶印汾上又經過芳草歸時徧

劉云閑情婉約可愛

情人

故郡多禁鐘春雨細宮樹野煙和

劉云妙

相望東橋別微

風起夕波

劉云極漂麗而不脂粉情理入微

送別覃孝廉

思親當自去不第未蹉跎家住青山下門前芳草多

劉云

類以為幽致不覺可笑誰家門前無此

秭歸通遠徼

劉云却自渾渾

巫峽住驚波

州舉年年事還期復幾何

送榆次林明府

無嗟千里遠亦是宰王畿策馬雨中去逢人關外稀

劉云

此等亦味外味

邑傳榆石在路遶晉山微

劉云無一句不合此句尤極清潤作者可

仰別思方蕭索秋風一葉飛

送元倉曹歸廣陵

官閒得去住告別戀音徽舊國應無業

劉云可悲

他鄉到是

歸

劉云他人幾許造次能通

楚山明月滿淮甸夜鐘微何處孤舟泊

遙遙心曲違

送澠池崔主簿

邑帶洛陽道年年應此行當時足馬客

劉云如此世態尚可

今日

縣人迎暮雨投關郡春風別帝城東西殊不遠朝夕待佳聲

送五經趙隨登科授廣德尉

明經有清秩當在石渠中獨往宣城郡高齋謁謝公寒原正蕪沒夕鳥自西東秋日不堪別淒淒多朔風

李五席送李主簿歸西臺

請告嚴程盡西歸道路寒欲陪鷹隼集猶戀鵲鴿歡洛

邑人全少嵩高雪尚殘滿臺誰不故想我在微官

賦得暮雨送李曹

楚江微雨裏建業暮鐘時漠漠帆來重冥冥鳥去遲海
門深不見蒲樹遠含滋相送情無限沾襟比散絲

贈蕭河南

厭劇辭京縣褒賢待詔書鄴侯方繼業潘令且閒居霽
後三川冷秋深萬木疎對琴無一事新興復何如

期盧嵩枉書稱日暮無車馬不赴以詩答

佳期不可失，終願枉衡門。
南陌人猶度，西林日未昏。
庭前空倚杖，花裏獨留樽。
莫道無來駕，知君有短轅。

淮上喜會梁州故人

江漢曾爲客，相逢每醉還。
浮雲一別後，流水十年間。
歡笑情如舊，蕭疎鬢已斑。
何因不歸去，淮上有秋山。

賦得鼎門送盧耿赴任

名因定鼎地，門對鑿龍山。
水北樓臺近，城南車馬還。
曉開春野靜，暮掩寺鐘閑。
此去無嗟屈，前賢尚抱關。

郎士元

劉須谿云士元諸詩殊洗鍊
有味雖自濃景別有淡意

送李將軍赴鄧州

雙旌漢飛將萬里獨橫戈
春色臨關盡黃雲出塞多
鼓鼙悲絕漠烽火隔長河
想到陰山北天驕已請和

送楊中丞和蕃

錦車登隴日邊草正萋萋
舊好隨君長新愁聽鼓鼙
河源飛鳥外雪嶺大荒西
漢壘今猶在遙知路不迷

送錢大

暮蟬不可聽落葉豈堪聞

高仲武云古謂謝朓工於發端此之於今有慚沮矣

共

是悲秋客那知此路分
荒城背流水遠鴈入寒雲
陶令東籬菊餘花可贈君

送奚賈歸吳

東南富春渚曾是謝公遊
今日奚生去新安江正秋水
容清過客楓葉落行舟遙想
赤亭下聞猿應夜愁

送裴補闕入河東幕

皎然青瑣客何事動行軒苦節酌知己清吟去掖垣秋
城臨海嶠寒月上營門鄒魯詩書地應無鞀鼓喧

送長沙韋明府之縣

秋入長沙縣蕭條旅宦心煙波連桂水官舍映楓林雲
日楚山暮沙汀白鷺深遙知訟堂裏佳政在鳴琴

送韋湛判官

高閣清河上重陽古戍閒聊因送歸客更此望鄉關惜
別心能醉經秋鬢自斑臨流興不盡惆悵水雲間

送元詵還丹陽舊業

已知成傲吏復見改朝衣
應向丹陽郭秋山獨掩扉
草堂連古寺江日動晴暉
一別滄洲遠蘭橈幾歲歸

長安逢故人

數年音信斷不意在長安
馬上相逢久人中欲認難

劉云

情至

一官今懶道雙鬢竟羞看
莫問生涯事只應持釣竿

春日宴張舍人宅

懶尋芳草徑來接侍臣
筵山色知殘雨墻陰覺暮天
鶯

歸漢宮柳花隱杜陵煙地與東鄰接春光醉目前

冬夕寄青龍寺源公

斂屨入寒竹安禪過漏聲高杉殘子落深井凍痕生罷
磬風枝動懸燈雪屋明何當招我宿乘興上方行

雙林傳大士

草徑經前代津梁及後人此方今示滅何國更分身月
色空知夜松陰不記春猶憐下生日應在一微塵

送大德講時河東徐明府招

遠近作人天王城指日邊宰君迎說法童子伴隨緣到
處花為雨行時杖出泉今宵松下月開閣想安禪

赴無錫別靈一上人

高僧本姓竺開士舊名林一入春山裏千峯不可尋新
年芳草遍度日白雲深欲問微官去懸知訝此心

送洪州李別駕之任

南去秋江遠孤舟興自多能將流水引更入洞庭波夏
口帆初上潯陽鴈正過知音在霄漢佐郡豈蹉跎

石城館酬王將軍

誰能繡衣客肯住木蘭舟連鴈沙邊至孤城江上秋歸
帆背南浦楚塞入西樓何處看離思滄浪日夜流

贈張五諲歸濠州別業

常知罷官意果與世人疎復此涼風起仍聞濠上居故
山期採菊秋水憶觀魚一去蓬蒿徑羨君閒有餘

唐詩品彙卷六十四

欽定四庫全書

唐詩品彙卷六十五

明 高棟 編

五言律詩十

接武中之
一

皇甫冉

巫山高

巫山見巴東迢迢出半空雲藏神女館雨到楚王宮朝

暮泉聲落寒暄樹色同清猿不可聽偏在九秋中

高仲武云

終篇
奇麗

秋夜宿嚴維宅

昔聞玄度宅門向會稽峰君住東湖下清風繼舊蹤秋
深臨水月夜半隔山鐘世故多離別良宵詎可逢

謝盧十一過宿

乞還方未遂日夕望雲林况復經春草何妨問此心閉
門公務散枉策故情深遙夜他鄉酒同君梁甫吟

逢莊訥因贈

世故還相見天涯共向東
春歸江海上人老別離中
郡吏名何晚沙鷗道自同
甘泉須早獻且莫歎飄蓬

長安路

長安九城路戚里五侯家
結束趨平樂翩聯抵狹斜
高樓臨遠水複道出繁花
唯見相如宅蓬門度歲華

送韓司直

遊吳還適越來往任風波
復送王孫去其如芳草何
岸

明殘雪在潮滿夕陽多
季子畱遺廟停舟試一過

送康判官往新安

不向新安去那知江路長
猿聲近廬霍水色勝瀟湘
驛路收殘雨漁家帶夕陽
何須愁旅泊使者有輝光

送鄭判官赴徐州

從軍非隴頭師在古徐州
氣勁三河卒功多萬里侯
元戎聞外令才子幄中籌
莫聽關山曲還生出塞愁

途中送權三兄弟

淮海風濤起江關幽思長同悲鵲繞樹獨作鴈隨陽山
晚雲和雪汀寒月映霜由來濯纓處漁父愛滄浪

送廬山人歸林慮山

無論行遠近歸向舊煙林寥落人家少青冥鳥道深白
雲長滿目芳草自知心山色連東海相思何處尋

奉和王相公早春登徐州城

落日憑危堞春風似故鄉川流通楚塞山色遶徐方壁
壘依寒草旌旗動夕陽元戎資上策南畝起耕桑

歸渡洛水

暝色赴春愁，歸人南渡頭。
渚煙空翠合，灘月碎光流。
澧浦饒芳草，滄浪有釣舟。
誰知放歌客，此意正悠悠。

秋夜寄所思

寂寞坐遙夜，清風何處來。
天高散騎省，月冷建章臺。
鄰笛哀聲急，城砧朔氣催。
芙蓉已委絕，誰復可為媒。

福先寺尋湛然寺主不見

寂然空佇立，往往報疎鐘。
高館誰留客，東南二室峰。
川

原通霽色田野變春容惆悵層城暮猶言歸路逢

題昭上人房

沃洲傳教後百衲老空林慮盡朝昏磬禪隨坐卧心鶴
飛湖草迴門掩海雲深地與天台接中峰早晚尋

皇甫曾

送李中丞歸本道

上將宜分閭雙旌復出秦關河三晉路賓從五原人孤
戍雲通海平沙雪度春酬恩看玉劍何處有煙塵

送人往荊州

一作李
嘉佑詩

草色隨驄馬悠悠同出秦水傳雲夢曉山接洞庭春帆
影連三峽猿聲近四鄰青門一分手難見杜陵人

送韋判官赴閩中

孤棹閩中客雙旌海上軍路人從北少海水向南分野
鶴傷秋別林猿恐夜聞漢家崇亞相知子遠邀勲

送孔徵士

谷口為幽處君歸不可尋家貧青史在身老白雲深掃

雪開松逕疏泉過竹林余生負丘壑相送亦何心

送陸鴻漸山人採茶

千峰待逋客香茗復叢生採摘知深處煙霞羨獨行幽
期山寺遠野飯石泉清寂寂燃燈夜相思一磬聲

送少微上人東南遊

石梁人不到獨往更迢迢乞食山家少尋鐘野寺遙松
門風自掃瀑布雪難消秋夜聞清梵餘音逐海潮

送雲門邕上人

春山唯一室獨坐草萋萋身寂心成道花開鳥自啼細
泉松逕裏返景竹林西晚與門人別依依出虎谿

烏程水樓畱別

悠悠千里去惜此一樽同客散高樓上帆飛細雨中川
程隨遠水楚思望青楓共說前期易滄波處處通

秋興

流螢與落葉秋晚共紛紛返照城中盡寒砧雨外聞離
人見衰鬢獨鶴慕何羣楚客在千里相思看碧雲

晚至華陰

臘盡促歸心行人及華陰雲霞仙掌出松柏古祠陰野
渡水生岸寒川燒隔林溫泉看漸近宮樹晚沈沈

和謝舍人雪夜寓直

禁省夜沈沈春風滿舊林滄洲歸客夢青瑣近臣心揮
翰宣鳴玉承恩在賜金建章寒漏起更助掖垣深

傷陸處士

從此無期見柴門對雪開二毛逢世難萬恨掩泉臺返

照空堂夕孤城弔客迴漢家偏訪道猶畏鶴書來

送著公歸越

誰能愁此別到越會相逢長憶雲門寺門前千萬峰石
牀埋積雪山路倒枯松莫學白衣士無人知去蹤

西陵寄一公

西陵遇風處自古是通津終日空江上雲山若待人汀
洲寒事早魚鳥興情新西望稽山路吾心有所親

同杜相公對山僧

此篇又見
皇甫冉集

吏散重門掩僧來閉閣閒
遠心馳北闕春興寄東山
草長風光裏鶯啼靜默間
芳晨不可住惆悵暮禽還

送元侍御充使湖南

雲夢南行盡三湘萬里流
山川重分手徒御亦悲秋
白簡勞王事清猿助客愁
離羣復多病歲晚憶滄洲

司空曙

題鮮于秋園林

雨後園林好幽行迴野通
遠山芳草外流水落花中
客

醉悠悠慣鶯啼處處同傷春自一望日暮杜陵東

贈李端

共憶南浮日登高望若何楚田湖草遠江寺海榴多載
酒尋山宿思人帶雪過東西幾回別此會各蹉跎

過谷口道士

一見林中客懸知州縣勞白雲秋色遠蒼嶺夕陽高自
說名因石誰逢手種桃丹經倘相授何事戀青袍

深上人見訪憶李端

鴈稀秋色盡落日對寒山避事多稱疾留僧獨閉關心
歸塵俗外高勝有無間仍憶東林友相期久不還

送況上人還荊州因寄衛侍御像

惠持游蜀久策杖欲西還共別此宵月獨歸何處山對
鷗沙草畔洗足野雲間知有玄暉會齋心受八關

雲陽館與韓紳宿別

故人江海別幾度隔山川乍見翻疑夢相悲各問年孤
燈寒照雨深竹暗浮煙更有明朝恨離杯惜共傳

喜外弟盧綸見宿

靜夜四無鄰，荒居舊業貧。
雨中黃葉樹，燈下白頭人。
以我獨沈久，愧君相見頻。
平生自有分，況是霍家親。

冬夜耿拾遺王秀才就宿因傷故人

舊時聞笛淚，此夜重沾衣。
方恨同人少，何堪相見稀。
竹煙凝澗壑，林雪似芳菲。
多謝勞車馬，應憐獨掩扉。

劉云語意

閑到

送菊潭王明府

業成洙泗客皓髮着儒衣一與遊人別仍聞帶印歸林
多宛地古雲盡漢山稀莫愛潯陽隱嫌官計亦非

賊平後送人北歸

世亂同南去時清獨北還他鄉生白髮舊國見青山曉
月過殘壘繁星宿故關寒禽與衰草處處伴愁顏

送王先生歸南山

儒中年最老獨有濟南生愛子方傳業無官自耦耕竹
通山舍遠雲接雪田平願作門人去相隨隱姓名

送王潤

相送臨寒水蒼茫望故關
江蕪連夢澤楚雪入商山
話我他年舊看君此日還
因將自悲淚一灑別離顏

送吉校書東歸

少年芸閣吏罷直暫歸休
獨與親知別行逢江海秋
聽猿看楚岫隨鴈過吳洲
處處園林好何人待子猷

送鄭明府貶嶺南

青楓江色晚楚客獨傷春
共對一樽酒相看萬里人
猜

嫌成謫宦正直不妨身莫畏炎方久年年雨露新

送史澤之長沙

謝朓懷西府單車觸火雲
野蕉依戍客廟竹映湘君
舊渚巴山斷長沙楚路分
一杯從別後風月不相聞

春日野望寄錢員外起

人見耿澤集中三字不同

草長花滿樹羸病強尋春
無復少年意空餘白髮身
青原晴見水白社靜逢人
寄謝南宮客軒車不可親

題江陵臨沙驛樓

江天清更愁風柳入江樓鴈惜楚山晚蟬知秦樹秋淒涼多獨醉零落半同遊豈復平生意蒼然蘭杜洲

經廢寶慶寺

黃葉前朝寺無僧寒殿開池晴龜出瀑松暝鶴飛回占砌碑橫草陰廊畫雜苔禪宮亦銷歇塵世轉堪哀

劉云起結

皆好

賦得的的帆向浦

向浦參差去隨風遠近還初移芳草裏正在夕陽間隱

映回孤驛微明出亂山向空看不盡歸思滿江關

盧綸

送李端

故關衰草徧離別正堪悲路出寒雲外人歸暮雪時少
孤為客早多難識君遲掩泣空相向風塵何所期

春日灞亭同苗員外寄庾侍郎

坐見春雲暮無因報所思川平人去遠日暖鴈飛遲對
酒山長在看花鬢自衰誰堪登灞岸還作異鄉悲

送恒操上人歸江外覲省

依佛不違親高堂與寺鄰問安雙樹曉求膳一僧貧持
呪過龍廟翻經化海人還同惠休去儒者亦沾巾

送少微上人入蜀

瓶鉢遶禪衣連宵宿翠微樹開巴水遠山曉蜀星稀
識中朝貴多諳外學非何當一傳付道侶願知歸

送從叔呈歸西川幕

千山冰雪晴山靜錦花明羣鶴棲蓮府諸戎拜柳營浪

依已字息風入蜀關清豈念在貧巷竹林啼鳥聲

江行次武昌縣

家寄五湖間扁舟往復還年年生白髮處處上青山去
國空知速安身竟不閒更悲江畔柳長是北人攀

皇帝感詞

天香五鳳彩御馬六龍文雨露清馳道風雷翊上軍高
旂花外轉行漏樂前聞時見金鞭舉空中指瑞雲

送都尉歸邊

好勇知名早爭雄上將間戰多春入塞獵慣夜燒山合

陣龍蛇動移軍草木閒今來部曲盡白首過蕭關

方虛谷云

響亮
整齊

送黎燧尉陽翟

玉貌承嚴訓金聲稱上才列筵芳草偃驟馬綠楊開潘
縣花添發梅家鶴暫來誰知望恩者空逐路人迴

送唯上人歸江南

落日映危檣歸僧問岳陽注瓶寒浪靜讀律夜船香苦

霧沈山影陰霾發海光羣生一何負多病禮醫王

夜中得循州趙司馬侍郎書因寄回使

瘴海寄雙魚中宵達我居兩行燈下淚一紙嶺南書地
說炎蒸極人稱老病餘慙勤報賈誼莫共酒杯疎

同薛存誠登栖巖寺

衰蹇步難前上山如上天塵埃來自晚猿鳥到何先萬
壑應孤磬百花通一泉蒼蒼此明月下界正沈眠

泊楊子岸

山映南徐暮千帆入古津魚驚出浦火月照渡江人清
鏡悲雙鬢滄浪寄一身空憐芳草色長接故園春

落第後歸終南別業

久為名所誤春盡始歸山落羽羞言命逢人強破顏交
疎貧病裏身老是非間

劉云怨
極自然

不及東溪月漁翁夜往

還

李端

過宋州

睢陽陷虜日外絕救兵來世亂忠臣死時清明主哀芳
郊春草徧故壘野花開欲為將軍哭東流水不迴

茂陵山行陪韋金部

宿雨朝來歇空山秋氣清盤雲雙鶴下隔水一蟬鳴古
道黃花落平蕪赤燒生茂陵雖有病猶得伴君行

江上逢司空曙

共爾髫髻年故相逢萬里餘新春兩行淚故國一封書夏
口帆初泊潯陽鴈已踈唯當執杯酒暫食漢江魚

逢王泌自東京至

逢君自鄉至雪涕問田園幾處生喬木誰家在舊村山
峰橫二室水色映千門愁見遊從處如今花正繁

酬大理寺評事張芬

君家舊林壑寄在亂峰西近日春雲滿相思路亦迷聞
鐘投野寺待月過前溪悵望成幽夢依依識故蹊

雲際中峰

英華作
祖詠詩

自得中峰住深林亦閉關經秋無客到入夜有僧還暗

澗泉聲小荒岡樹影閒
高牕不可望星月滿空山

賦得山泉送房造

泉水山邊去高人月下看
潤松秋色淨落澗夜聲寒
委曲穿深竹潺湲過遠灘
聖朝無隱者早晚罷漁竿

宿興善寺後堂池

草堂高樹下月向後池生
野客如僧靜新荷共水平
錦鱗沈不食繡羽亂相鳴
即事思江海誰能萬里行

憶皎然上人

未得從師去人間萬事勞雲門不可見山木已應高向
日開柴戶驚秋問弊袍何由宿峰頂牕裏望波濤

贈衡岳隱禪師

舊住衡州寺隨緣偶北來夜禪山雪下朝汲竹門開半
偈傳初盡羣生意未迴唯當與樵者杖錫入天台

雲陽觀寄袁稠

花洞晚陰陰仙壇隔杏林漱泉春谷冷搗藥夜牕深石
上開仙酌松間對玉琴戴家溪北住雪後去相尋

晚遊東田寄司空曙

暮來思遠客，獨立在東田。
片雨無妨景，殘虹不映天。
別愁逢夏果，歸興入秋蟬。
莫作隴官意，陶公未必賢。

題崔端公園林

上士愛清輝，開門向翠微。
抱琴看鶴去，枕石待雲歸。
野坐苔生席，高眠竹挂衣。
舊山東望遠，惆悵暮花飛。

度關山

鴈塞日初晴，孤關雪復平。
危樓緣廣漠，古竇傍長城。
拂

劍金星出彎弧玉羽鳴誰知係虜者賈誼是書生

耿漳

隴西行

雪下陽關路人稀隴戍頭封狐猶未剪邊將豈無羞白
草二冬色黃雲萬里愁因思李都尉畢竟不封侯

早朝

鐘鼓餘聲裏千官向紫微冒寒人語少乘月燭來稀清
漏聞馳道輕霞映鎖闌猶看嘶馬處未啟掖垣扉

題李廉書房

商瞿長易教一室向青山業就三編絕心通萬象閑鶯啼春木上草遍夕陽間莫道符籙在來時棄故關

寄錢起

一見前司空曙集中

草長花落樹羸病彊尋春無復少年意空餘華髮新青原高見水白社靜逢人寄謝南宮客軒車不見親

贈田家翁

老人迎客處籬落稻畦間蠶屋朝寒閉田家晝雨閉門

聞新薙草樵采舊諳山自道誰相友邀人試往還

贈隱上人

世間無遠近定裏遍曾過東海經長在南朝寺最多暮
年休化俗初地却摧魔今日忘塵慮看心義若何

贈張將軍

寥落軍城暮重行返照間鼓鼙經雨暗士馬過秋閑慣
守臨邊郡曾管近海山關西舊業在夜夜夢中還

贈嚴維

許詢清論重寂寞住山陰野客投寒寺閒門傍古林海
田秋熟早湖水夜漁深世上窮通理誰能奈此心

贈朗公

來自西天竺持經奉紫微年深梵語變行苦俗流歸月
上安禪久苔生出院稀梁間有馴鴿不去為忘機

題贈韋山人

失意成逋客終年獨掩扉忘機狎鷗慣多病見人稀流
水知行藥孤雲伴采薇空齋莫還坐心事與時違

邠州留別

終歲山川路生涯總若何艱難為客憤貧賤受恩多暮
角飄長韻寒流起久波懸愁茂陵宅春色又相過

沙上鴈

衡陽多道里弱羽覆哀音還塞欲何處驚絃亂此心夜
陰前侶遠秋冷後湖深獨立沙汀意寧知霜霰侵

唐詩品彙卷六十五